



Hans Enoksen
Intsisartuni ilaasortaq, Naleraq
inatsisartut@inatsisartut.gl

Sillimmasiisarneq pillugu § 37 naapertorlugu apeqquteqaammut 2024-155-imut akissut

12-09-2024
Sagsnr.: 2024-17583
ID. nr.: 93968243

Asasara Hans Enoksen

Inatsisartut suleriaasianni § 37 naapertorlugu sillimmasiisarneq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Namminersorlutik Oqartussat suliifearfiutaasa ukiumut sillimasiinermut akilertagaat akissutigineqartoq §37 apeqquteqaat nr 2024-80 suliffeqarfiit taaneqartut akilertagaat paaserusuppakka nunamut sumut sillimatinut akiliisarnersut?

a. Nunanut sorlernernut akiilisarnersugut paaserusuppara?

Akissut: Naalakkersuisut Siulittaasuata Naalakkersuisoqarfik akissuteqartinneqarpoq, tassanngaanniillu ilisimatitsissutigineqarpoq:

'Ajutoorsinnaasunik nalilersuinissaq, pisariaqassappallu sillimmasiinikkut pigisaminnik nalilinnik qulakkeerinnissaq ingerlatseqatigiiffiit akisussaaffiisa ilagaat. Taassumap saniatigut aningaasaliinissamut taarsigassarsiniarnermut atatillugu, assersuutigalugu suliassaqarfinnut aalajangersimasunik sillimmasiisoqassasoq taarsigassarsiisumit piumasarineqarsinnaavoq. Sillimmasiissutinut tunngatillugu marluk amerlanerusulluunniit akornanni isertuussassaasumik akit pillugit isumaqatigiissuteqartoqarsinnaammat, taassumallu saniatigut isumannaallisaanermut, ingerlatsinermut, unammeqatigiinnermullu tunngatillugu aarlerinarsinnaammat sillimmasiissutinut tunngatillugu, qanorlu akeqarnersut Namminersorlutik Oqartussat ingerlatseqatigiiffiisa ilisimatitsissutigisinnaanngilaat. Taassumap saniatigut paasissutissat taakkua tamanut saqqummiunneqaralarunik, siunissami sillimmasiissutit neqeroortitsissutigineqarnerini isumaqatiginninniarnermi ingerlatseqatigiiffiit inissisimanagerat ajorseriarsinnaavoq. Taassumap kingunerisaanik ingerlatseqatigiiffiit sillimmaserniarnerini akulerutinninnissamut tunngavik atuuttarpoq, imaappoq ingerlatseqatigiiffiit aalajangersimasunik sillimmasernissaannut Naalakkersuisut peqquneq ajorpaat.'

Apeqqut 2: Tassa qulaarnaatsumik aamma paaserusuppakka sillimasiisarfinnut sorlernut akiilisarnersugut, akiliisarfugit sillimasiisarfii atii ilanngullugit aammalu sillimasiisarfinnut akiliiffigisartakkagut taagutaat ilanngullugit paaserusuppakka? a. Sorlernernut sillimasiisarfinnut akiliisoqartarpa?

a. Sorlernernut sillimasiisarfinnut akiliisoqartarpa?

Akissut: Ajoqusernerit nammineq sillimmasiissutitigut, sillimmasiisarfinnilu sillimmasiissutitigut Naalakkersuisut iliuuseqarfigisarpaat. IF-imi, gard-imi aamma ERV Europæisk-imi Naalakkersuisut sillimmasiissuteqarput. Taassumap saniatigut inatsisitigut pisussaaffigalugu Arbejdsmarkedets Erhvervssygdomsforsikringimi (AES) sillimmasiissuteqarpoq.

IF: Suliassanut sillimmasiissut - Akilersuut: 1.175.000 kr.
Ajoqusernertut tamanut sillimmasiissut, 25 mio. koruuninik nammineq akiligassartalerlugu - Akilersuut: 8.436.969 kr.
Angallatinut sillimmasiissutit: Tarajoq - Akilersuut: 1.270.166 kr.
Sanna - Akilersuut: 642.363 kr.

gard (P&I Cover¹): Tarajoq: Akilersuut: 92.798,92 kr.
Sanna - Akilersuut: 31.142,93 kr.

ERV Europæiske: Inuussutissarsiorluni angalanermut sillimmasiissut -
Akilersuut: 702.645 kr.

AES: Sulitilluni ajoqusernertut sillimmasiissut - Akilersuut
4.078.620 kr.

Immikkoortut sinneri Namminersorlutik Oqartussat nammineq sillimmasiissuteqariaasiisigut sillimmasiissuteqarput.

Sillimmasiissutinut nunap avataanut akilersuutit annikillisinniarlugit, nammineq sillimmasiissuteqartitsinerup ataavartumik annertusiartortinneqarnissaa siunertaralugu Naalakkersuisut 2017-imiilli periusissiorput.

Naatsorsuutigingisamik annertuumik pisoqartillugu, ajoqusertoqartillugulu nunatta karsiata aningaasatigut annaasaqarnissaanut illersorumallugu sillimmasiisoqartarpoq. Taamaattumik suut nammineq sillimmasiissuteqartinneqarunik naleqqutissanersoq (ajoqusernerit nunatta karsianit matussuserneqartarput), suullu sillimmaserneqassanersut ataavartumik nalilersorneqartarpoq.

2024-mit 2026-p tungaanut sillimmasiissutissanik aalajangersaaniarnermut atatillugu, assersuutigalugu angallatit 5 mio. koruunit ataallugit nalillit, dronillu sillimmasiissuteqarfitsigut sillimmaserneqassanngitsut aalajangerneqarpoq, taakkualu nammineq sillimmasiissuteqartinneqalerlutik. Ajoqusernertut tamanut sillimmasiissutini (illuutitut sanaartukkanullu sillimmasiissutit), ajoqusernermi ataatsimi nammineq akiligassat 25 mio. koruuninut aalajangerneqarput.

Nammineq sillimmasiissuteqartitsinerusoqarnissaanik Naalakkersuisut kissaateqarnerinut tamanna takussutissaavoq. Taamaattumik nammineq sillimmasiissuteqartitsinermut Naalakkersuisut periusissiaanni, aningaasat nunamiiginnartillugit nammineq sillimmasiissuteqartitsinerunissamik anguniagaqarpoq.

¹ Protection and Indemnity (P&I) sillimmasiissutaavoq, inunnik, pigisanik avatangiisinilluunniit ajoqusiisoqarnerani umiarsuaatillip aningaartuutissaanut annertoorsuusinnaasunut matussutaasusaq.

Apeqquut 3: Ukiut tamaasa nunatsinniit aningaasat annissuinnarnerinut Naalackersiusut qanoq tunngavissaqartippaat? a. Naalackersuisut qanoq eqqarsarpat nunatsinni aningaasaatitta annissuinnarnagit inuiaqatigiit iluanni aningaasat tamakkiisumik atorluaanikkut sillimasiinikkut sulisilernissaannut?

a. Naalackersuisut qanoq eqqarsarpat nunatsinni aningaasaatitta annissuinnarnagit inuiaqatigiit iluanni aningaasat tamakkiisumik atorluaanikkut sillimasiinikkut sulisilernissaannut?

Akissut: Apeqquut 1-imut aamma 2-mut akissutit takukkit.

Apeqquut 4: Nunatsinni inuiaqatigiit pigisaat sillimasiisarfiiit qassiuppat taakkunungalu sillimasiinermut Namminersorlutik Oqartussat qanoq sillimasiinermut akiliisarpat?

Akissut: Inuiaqatigiit pigisaannik sillimasiisarfeqanngilaq, taamaalillunilu akiliisoqarneq ajorluni.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Hans Peter Poulsen